



Број/Број: 03,03/11-05-1-298/11
Сарајево/Sarajevo, 1. 11. 2011.

**KOLEGIJU PREDSTAVNIČKOG DOMA PSBiH
KOLEGIJU DOMA NARODA PSBiH
KOMISIJI ZA VANJSKU I TRGOVINSKU POLITIKU, CARINE, SAOBRAĆAJ I
KOMUNIKACIJE DOMA NARODA
KOMISIJI ZA SAOBRAĆAJ I KOMUNIKACIJE PREDSTAVNIČKOG DOMA
KOMISIJI ZA VANJSKE POSLOVE PREDSTAVNIČKOG DOMA
KOLEGIJU SEKRETARIJATA PSBiH**

IZVJEŠTAJ

**s Regionalne konferencije “Energija, razvoj, demokratija: Oblikovanje nove
energetske budućnosti Jugoistočne Evrope”,
Beograd, 17.-19. oktobar 2011. godine**

U organizaciji Škole za političke studije koja djeluje pod okriljem Vijeća Evrope, predvođena Beogradskim fondom za političku izvrsnost (BFPE), u Narodnoj skupštini Republike Srbije u Beogradu je, od 17. do 19. oktobra 2011., upriličena konferencija pod pokroviteljstvom predsjednika Republike Srbije Borisa Tadića i srbijanskog predsjedavanja Procesom saradnje u jugoistočnoj Evropi (SEECР) o temi: “Energija-razvoj-demokratija: Oblikovanje nove energetske budućnosti Jugoistočne Evrope”. Konferencija je dio regionalne inicijative “Javni dijalog o održivom korištenju energije u jugoistočnoj Evropi” koju realizira mreža škola političkih studija u jugoistočnoj Evropi, uz velikodušnu podršku Njemačke međunarodne saradnje (GIZ) u ime Federalnog ministarstva za ekonomsku saradnju i razvoj Republike Njemačke (BMZ) kao i Međunarodnog Višegradskog fonda. Lokalni partneri na realizaciji projekta su, pored Beogradskog fonda za političku izvrsnost, i Akademija za politički razvoj (u saradnji sa DOOR) iz Hrvatske kao i Škola demokratskog liderstva iz Crne Gore. Konferencija je okupila 250 učesnika iz 15 evropskih zemalja (članovi parlamenata i vlada, predstavnici Evropskog parlamenta, energetske politike, međunarodnih finansijskih institucija, lokalnih samouprava, ministarstava, nevladinih organizacija, međunarodnih organizacija, medija itd), uključujući delegacije država članica SEECР-a.

U ime Parlamentarne skupštine BiH, konferenciji su prisustvovali Mirza Kušljugić, prvi zamjenik predsjedavajućeg Komisije za saobraćaj i komunikacije Predstavničkog doma, Mirsad Mešić, član Komisije za saobraćaj i komunikacije Predstavničkog doma, Staša Košarac, drugi zamjenik predsjedavajućeg Komisije za vanjsku i trgovinsku politiku, carine, saobraćaj i komunikacije Doma naroda, Mate Franjičević, poslanik u Predstavničkom domu, Dejan Vanjek, šef Odjela za multilateralne odnose i nacionalni koordinator za međuparlamentarnu saradnju zemalja Jugoistočne Evrope, i Seveda Valjevčić, stručni saradnik za saradnju s međunarodnim organizacijama.

Cilj konferencije bio je razmjena informacija i ideja, te rasprava o oblikovanju političke akcije potrebne kako bi se prevazišli rastući globalni i regionalni energetske i okolišni izazovi, te fokusirale pripremne aktivnosti za provođenje održivih energetske politike koje će pomoći regionu jugoistočne Evrope da se u potpunosti integrira u Evropski energetske prostor. Sveukupna tema energetske politike tokom konferencije prožimala se u nekoliko različitih konteksta. Kroz sesije konferencije učesnicima je omogućeno da iznesu svoje prijedloge, ideje, iskustva kao i trenutne aktivnosti u njihovim državama koje su neophodne u svrhu postizanje ciljeva EU 20-20-20. Tokom konferencije održane su sljedeće sesije:

1. Regionalna saradnja - ka pristupanju energetske tržištu EU (istaknuto je da bez regionalne saradnje kad je riječ o ekonomskom razvoju nema stabilnosti i protoka informacija kako bi se održao rast, te da nedostaje potrebna ekonomska mjera koja će privući sve značajnije investicije koje su neophodne kako bi se osigurala energetske sigurnost),
2. Legislativa i uloga parlamentarnog nadzora u ostvarenju ciljeva 20-20-20 (ovom sesijom otvoren je drugi dan konferencije, na kojoj je postala najočiglednija veza između demokratije i razvoja, na kojoj je zaključeno da su parlamentarne komisije putem zakonodavnih ovlaštenja i ovlaštenja za nadzor obavezne osigurati potrebnu ravnotežu u procesu demokratskog odlučivanja, kao što je primjena ciljeva EU 20-20-20),
3. Jugoistočna Evropa i EU 2020-rasprava na nivou ministara (sesija se fokusirala na teme energije sa stajališta izvršnih tijela, kao na strategiju održivog razvoja, u smislu da ona treba povezati razvoj i energiju u širem kontekstu ciljeva EU 2020, kao što su: zapošljavanje, siromaštvo i socijalna isključenost),
4. Jačanje tržišnih potencijala za investiranje u održivu upotrebu energije (na ovoj sesiji razmatrane su potrebe za investicijama i istaknuta je uloga energetske investicija za postizanje ključnih ciljeva Sporazuma energetske zajednice) i
5. Energija i klimatske promjene (tokom ove sesije detaljnije je razmatrana vezanost energije za klimatske promjene, te kako klimatske promjene i zaštita okoliša utiču na sadašnji energetske inženjering).

U okviru 3. sesije skupu se obratio Mirza Kušljugić, prvi zamjenik predsjedavajućeg Komisije za saobraćaj i komunikacije Predstavničkog doma PSBiH. Upoznao je prisutne sa iskustvom BiH, kao i s prijedlozima mogućih narednih aktivnosti, koje uglavnom uključuju parlamente zemalja regiona, kako bi se doprinijelo kontinuitetu djelovanja na ovu temu i nakon konferencije. Predložio je i nekoliko inicijativa koje neminovno zahtijevaju regionalnu saradnju parlamenata.¹

Tokom konferencije istaknuta je neophodnost kvalitetnog dijaloga o energetske učinkovitosti, obnovljivim izvorima energije i održivom korištenju energije u jugoistočnoj Evropi, koji bi trebalo da bude dugoročnog karaktera i koji bi trebalo da se provodi na tri nivoa: lokalnom, nacionalnom i regionalnom. Shodno tome dijalog bi morao biti otvoren za regionalna iskustva, posebno za iskustva onih zemalja koje su postigle zavidan napredak u

¹ Prilog: Izlaganje Mirze kušljugića „ Politička odgovornost parlamenta u procesu stvaranja nove energetske budućnosti za jugoistočnu Evropu: Iskustva Bosne i Hercegovine“

poboljšanju energetske učinkovitosti kao i uvođenju novih obnovljivih i održivih formi energetske proizvodnje. Također je istaknut značaj klimatskih promjena koje bi trebalo da, kako je rečeno, budu u centru naše pažnje.

Regionalna saradnja, međusektorska saradnja i značajna uloga donosilaca odluka (posebno parlamenata) istaknute su kao tri ključne komponente koje bi trebalo da odrede energetske perspektive svake države kao i cijelog regiona.

Kao prioriteta u oblastima ulaganja i poboljšanja upravljanja resursima na nacionalnom i regionalnom nivou, načinu donošenja propisa kojima se regulira korištenje zajedničkim resursima (hidroelektrane i riječni slivovi) kao i racionalnom korištenju kapaciteta/ljudskih potencijala identificirana je **regionalna saradnja**. Kao vid podrške regionalnoj saradnji, predloženo je da plan Igmanske inicijative bude potvrđen: parlamentarna saradnja na polju zaštite okoline i oblikovanje nove energetske budućnosti trebalo bi da se oslanja na nordijski model.

S obzirom da je povećan nivo razmjene informacija, **međusektorska saradnja** je s druge strane preduslov za kvalitetan javni dijalog. Osim toga, neophodna je u smislu usvajanja kvalitetnih zakona i osiguranja njihovog provođenja.

Kada je u pitanju **uloga donosilaca odluke**, njihov značaj se, prije svega, reflektira u odgovornom pristupu energetske budućnosti u zemlji, ukupnom razvoju i izazovima klimatskih promjena.

Učesnici konferencije posebno su naglasili da vladavina prava i održiva demokratija ne mogu biti sačuvani bez sveukupnog razvoja i suočavanja sa izazovima u budućnosti. Dogovoreno je da sljedeći regionalni skup bude održan 2012. godine u Zagrebu, s naglaskom na ulogu lokalnih vlasti i drugih lokalnih javnih aktera u postizanju većeg nivoa energetske učinkovitosti i održivog korištenja energije. Jedna grupa učesnika konferencije obavezala se da će prije naredne regionalne konferencije formulirati detaljnije zaključke konferencije Energija-razvoj-demokratija, s ciljem pridonosa nastavku javnog dijaloga, koji će biti distribuirani svim učesnicima.

Izveštaj pripremila
Sevda Valjevčić

Stručni saradnik za saradnju s međunarodnim organizacijama

Dostaviti:

- naslovu
- a/a